

BIBLIOTHÈQUE
CHARPENTIER

15404/B

J. xxx. c

18



725m
ABRAHAMI BRILL

MEDICINÆ DOCTORIS

OBSERVATIO

DE

HUMORE LACTEO COA-
GULATO IN PLACENTA
HUMANA REPERTO.



GRONINGÆ,

Apud LUBBARTUM HUISINGH, Bibliopolam.

CIOIOCCCLXVIII.

THE WELLS

WELLS BOOKS

OTAVIANO



APR 1893

RECEIVED

LIBRARY



1893

WELLS BOOKS

OTAVIANO

LIBRARY

V I R O
ERUDITIONE ET MUNERE
PER ORBEM CELEBRI,

G. VAN DOEVEREN,

MED. DOCT. MED. THEORET. ET
PRACT. CHEM. ATQUE ART. OB-
STETR. IN ACADEMIA GRONIN-
GO-OMLANDICA PROFESSORI
ORDINARIO, URBIS GRONINGA-
NÆ PHYSICO, SOCIETAT. SCIEN-
TIAR. HOLLAND. ET ACADEM.
CÆSAR. NATUR. CURIOSOR.
SODALI.

S.

ABRAHAMUS BRILL.

Accipias, VIR CLARISSIME, *Observa-
tionem, quam TIBI offero, ut pietatis &
observantiae meae documentum. Patiaris,
eam TIBI dedicem, ut monumentum po-
nam, quo, quantopere TE venerer, pa-
lam*

lam fiat. Ego autem, varii generis,
in me collata a TE beneficia lætam
in memoriam revocans, debitas TIBI
gratias agere, easque animi sinceri
symbolo adstruere, meum esse reputo.
Specimen vero hoc TE porro conatum
meorum Fautorem atque Mæcenatem
mibi conciliet, ut ea, quæ TUO sub
ductu colligere licuit artis salutaris
principia, TUO etiam auxilio ulterius
excolere, & ad aberrantem sæpius na-
turam rectum in tramitem reducen-
dam, feliciter adplicare contingat.

DEUS T. O. M. erudito nomini Tuo
multum adfundat gloriæ, TEque inco-
lumem sospitet, ut in Academiæ decus,
Groninganorumque civium salutem,
in remotissimam usque senectutem, bea-
tus vivas!


Dedi GRONINGÆ, 21 Maji MDCCLXVIII.

OBSERVATIO

DE

HUMORE LACTEO COA-
GULATO IN PLACENTA
HUMANA REPERTO.

§. I.

 Anno ciccclxvii, d. 2.
mensis Martii, ad me de-
ferebat Secundinam pauperculus,
a qua obstetrix uxorem suam præ-
cipitanter, cum fetus in lucem pro-
diisset, rudiori manu liberaverat.

Ego, ut aliquantulum satisfacere-
rem roganti, *num aliquid Secundinæ*
penes matrem mansisset, ejus integri-

A

ta-

tatem aut lacerationem perpensurus, Secundinam ita disposui in tabula, ut concavam placentæ superficiem, qua fetum spectaverat, prius perlustrarem. En, notabilis Placentæ in conspectum prodibat crassities, qua, simul atque duritie sua insolita, tot aliis, quas ego inspexeram, hæc maxime videbatur dissimilis. Admiratus huncce casum, decrevi, rerum novarum quoque cupidus, placentam accurate examinare: quo instituto compertus sum singularem ejus habitum, quem artis hujus peritus in sequentibus exacte delineatum reperiet.

§ II. 1. Placenta, dicto modo in tabula jacens, orbiculatæ figuræ, diametri $6\frac{3}{4}$, vel 7 pollicum Rhen. erat.

11. Fu-

II. Funis a centro unum pollicem cum dimidio distabat.

III. Adeo insignis erat portio-
num differentia, inter utramque a
fune ad extremitatem comprehen-
sarum distantiam, ut portio minor
 $1\frac{1}{2}$, $1\frac{1}{2}$, vel 1 tantum pollicis cras-
sitiem æquaret, dum vero altera
seu major $3\frac{1}{4}$, $3\frac{1}{2}$ aut 3 pollices ha-
bebat.

IV. Major placentæ portio, sua
crassitie ita premebat funem, ut suo
insertionis loco, cum portione pla-
centæ declinata, angulum acutum
formaret.

V. Crassa portio, tanta prædita
erat duritie, ut ea, nonnullis in
locis, digito prementi vix cederet,
& digiti vestigia retineret.

§ III. Inversa secundina, hæc
notavi.

α. Villosa placentæ superficies, his illisve in locis a se invicem distracta adparebat, præterquam quod chorion quoque in uno latere a placenta erat avulsum.

β. Oculos figens in locum hispidum laceratum, multa reperiēbam corpuscula parva, quæ vasculosæ placentæ compagi pertinaciter adhærebant, quæque rotunda, subrotunda & oblongo rotunda, capitulis minoris majorisque aciculæ crassitiem superabant, a se invicem distincta erant, & digitorum adtactui quodammodo resistebant.

γ. Disruptam placentæ partem tactu intus aliqua gaudentem duritie inspicere cupiebam, sed portionis hujus structura adeo erat compacta, ut sine dilaceratione haud potuerim: quare eam aquæ
in-

inmisi, ut maceratam accuratius examinare possem.

δ. Rimam intuebar, ubi chorion a placenta erat discerptum, en lineæ ibidem variæ, sibi invicem diversis ramificationibus innexæ, exalbidæ, super placentæ latus emergebant, pennam columbinam crassæ, & pollicem & ultra longæ: quæ partim exiguis pedunculis, in penicillos rufo cinerei coloris, dispersis, obfessæ; partim iis orbatae erant. Earum nonnullis corpuscula quoque intermedia erant, prioribus similia, illis duplo & triplo majora, numero pauciora. Quibus aliquoties perpenfis, placentæ vasa videbantur, humore subalbido turgida; uno enim eorum & altero digitis compresso, dimovebatur in iis contentus humor. Discisso tali

vasculo , nihil humoris effluxit : vase interim aliquomodo presso , candida & condensata materies eliminabatur , quæ primo adspectu humori smegmatico , qui in folliculis glandulosis aliquo tempore stagnavit , non absimilis erat. Deinde aliud vas aperui , cui duo memorata , granum piperis albi crassa , intermedia erant corpuscula , inque hoc vase aperto eundem humorem , priori aliquomodo duriores , latitare deprehendebam ; quique humor vaporum tunicas adeo dilataverat , ut inde hæcce in conspectum prodissent corpuscula.

ε. Cum in hanc placentæ superficiem in universum inquirerem , reperi eam extus omnino mollem , & intus partim mollem , partim duram & compactam. In portione
mol-

molli ea habebantur corpuscula, quæ β exhibet, & decerptum illud frustrum, quod γ complectitur. Pars intus dura ea continebat, quæ sub δ memorata sunt. Hanc autem eam esse placentæ portionem inveni, quæ sua crassitie ab opposita ejus superficie adeo infurgebat; illam vero, quæ declinata adparebat.

§ IV. Præ intricata vero portionis crassæ compage, singula perscrutare omnibus vestigiis vix potui. Et, quia macerando objectum a naturali statu recederet, portionem hanc discidi inter binas superficies, ut diductis segmentis, placentam interne introspicerem.

æ. Media placentæ facies oculis exposita, in segmento quod funem respicit, ad marginem (eo autem
ex-

excepto margine ubi chorion a placenta erat distractum) spongiæ ad instar, vasculis certo certius copiosissima cellulosa connexis constans, naturali prorsus structura gaudebat. Sed ad distantiam circiter pollicis, & ad marginem laceratum, ea hic & illic parvis scatebat punctis subalbidis; ubi & nonnullis in locis guttulæ limpidi humoris aliquot prorumpabant; præterquam quod placentæ fabrica hic longe compactior evaserat. Ad medium autem, ea non nisi condensato candidi coloris humore penitus perfusa cernebatur, ubique tamen villis cinerei coloris, vasorum haud dubie, eorundemque penicillorum, & substantiæ cellulosæ, intermixta; ita ut istum humorem, nec intra vasa reconditum, sed potius extra-
va-

vasatum diceres, interque cellulofam substantiam hærentem. Vidi faltem hætenus nusquam majores vasorum ramulos absciflos. Conabar nunc placentæ condensatum suum humorem adimere, sed obstaculo fuit tenax ipsius placentæ adhæfio. Hac autem placentæ portione fortius compressa, ejusdem candidi coloris humor, specie vermiculi, ex variis fontibus, qui certe vascula fuerunt, ubi puncta potissimum subalbida visa sunt, mittebatur; & dein quoque alicubi similis coloris humor, sed longe fluidior, ex tali fonticulo emanabat.

Alterum, quod uterum spectaverat, placentæ segmentum, quodque a superficie abscissa hujus segmenti superficiei simile erat, ma-

B

cé-

cerationi dicabam, ut vel inde de humoris condensati situ & cohæfione intra placentam certior fierem.

β. Segmentum iterum, quod funem respicit, dissecai deinceps prope radicem funis, quo facto, idem intra cellulofam substantiam reperiatur humor condensatus, qui per totam hanc placentæ portionem dispersus & sanguine his illisve in locis conspurcatus erat. Et ibidem dilucide videbam abscissos aliquot vasorum ramulos, aliquomodo hiantes, qui sua sponte nihil, compressi vero unam & alteram sanguinei humoris guttulam, emittebant. Verum, ulterius majores vasorum ramos pervestigando nil mihi obvenit notabile, ii enim mediæ capacitatis, & omnes, præter eos, qui
ali-

aliquid sanguinis continebant, in ipsa etiam concava placentæ superficie, collapsi erant. Sed, sub ipso demum chorio reperi eundem quoque humorem, majorum vasorum interstitia, quibusdam in locis, replentem.

§. V. Partem placentæ maceratam, quam § 111 γ citavi, dein perscrutabar, quæ in minores & minimos aliquot lobulos, sibi invicem superincumbentes & facile sejungendos, divisa erat: qui lobuli ex innumeris capillaribus vasculis compositi, multa, haud æquali ratione a se invicem distincta, parva continebant corpuscula, & in pulposam demum substantiam terminabantur. Erant autem hæc corpuscula iis omnino similia, quæ § 111 δ exstant, & quem-

admodum ex ulteriori constabat examine, nil nisi vascula, illis in locis, ex contento humore condensato, in rotundam figuram dilatata. Hicce autem contentus humor, ei erat similis, de quo § III sub finem s locutus sum.

§. VI. Segmento autem macerato § IV ad finem a memorato, adhærebat hactenus humor ille condensatus, cujus faciliior nunc facta fuerat separatio, qua frustra-
tim instituta, humorem hunc revera intra cellulosa[m] placentæ texturam locum obtinuisse, experiebar: nam separata hæcce condensati humoris frustra erant diametro vasorum longe majora, præterquam quod ea quoque flocculenti aliquid placentæ sibi intermistum habebant.

§. VII.

§. VII. Tandem in majori ut & minori placentæ portione, nil ulterius inveniens, ad examinandum humorem istum progrediebar. Hujus vero humoris, a placenta, quantum fieri poterat, separati, quem in vas vitreum colligebam, quique simul sumtus drachmarum septem & granorum tredecim, i. e. uncia fere unius pondus adæquabat, naturam sequenti ratione indagare institui.

1^{mo}. Humor condensati frustulum, quodammodo solidum, leni digitorum agitatione friabile mox deprehendebam, digitorum autem calore minus solubile, odore penitus nullo sese manifestans.

11^{do}. Alterum frustulum, vasi aqua frigida repleto inmissum, sensim petebat fundum, idque nec

dissolvi videbatur, neque miscebatur aquæ supernatanti.

III^{io}. Tertium frustulum, aquæ calidæ inmersum, statim indurescebat, eoque ipso insignem sui indicabat coagulationem, ita ut supernatans aqua coloris expers maneret.

IV^{to}. Quartum autem frustulum, cochleari inpositum ignique admotum, non liquefcebat, sed limpida seu aquosa, quam continebat pars, ex eo effluebat, reliqua vero pars crispabat, dein lentefcebat, & tandem ab igne remota cornu ad instar indurescebat.

V^{to}. Iste vero humor, qui aliquanto magis fluidus erat, aquæ immixtus sebaceus videbatur: is enim de albedine sua cum aqua aliquantulum communicabat, partim fundum

dum vasis sensim petebat, partim vero aquæ supernatabat, ceterum autem nullum oleositatis indicium præbebat. Quique præterea prioribus quoque modis tractatus, paulo plus feri continebat, & solidiori similia exhibebat phænomena, alia nulla.

Ex his ergo inferre licet, condensatum huncce humorem, verum lacteum humorem coagulatum fuisse.

§. VIII. Sed quo magis de lactea coagulati hujus humoris indole convincamur, similibus experimentis, de lacte humano de industria capitis, eam accuratius examinare placuit.

Lac mulieris, recens, uberibus mane subductum, dein coagulatum, apprehendi

I^{mo}. Magis solubile illo , quod in placenta inveneram.

II^{do}. Frustula ipsius nonnulla aquæ supernatantia.

III^{tio}. Partim dissolvi , quo turbulenta reddebatur aqua ; partim, in minimas divisum particulas induratas , fundum vasis petere.

IV^{to}. Liquefcere pro parte ignis calore, partem vero reliquam lentescere & ustulari.

Facile hinc patet, inter lac illud, quod in placenta reperieram, atque hoc postremum uberibus mulierum recens eductum, differentiam obtinere quoad pinguedinem hujus in priori haud conspicuam : causam hanc ut indagarem , defloratum dein muliebri lac, quod cremore suo orbatum erat , sumsi; hocque prioribus modis tractatum omni ratione

tione simile erat illi, quod a placenta separaveram.

Hinc merito liceat mihi concludere, lac coagulatum, in placenta repertum, ex caseosa omnino lactis constituisse materia, butyracea vero plane orbatum fuisse: dum butyracea illa materia, quæ in tanto, quantus habetur in utero, caloris gradu (& ob parcam salis copiam, qua lac scatet, quaque unio hujus cum ceteris principiis levis habetur) facillime absorberi potuit.

§. IX. Ecce, singularem placenta habitum nunc detectum. Sic enim extra omnem dubii aleam positum est, §. II memoratam placenta crassitiem, ejusdemque insolitam duritiem, nulli alii causæ tribui posse, quam lacti coagulato in ea reperto.

C

Hæc

Hæc vero sunt, quæ vera, rariora, & maxime conspicua, notare mihi placuit; omissis ceteroquin illis, quæ alias secundinis communia sunt. Velamenta enim, & vasa per concavam placentæ superficiem distributa, solito modo sese habebant; funis erat pinguis & modicæ longitudinis. Fetus ceterum, qui mediante hac placenta in utero suum a matre acceperat nutrimentum, bene valuit & vixit. Sana quoque fuit mater.

§. X. Oportet, ut causam indagem, undenam lacteus ille humor in hac placenta locum habuerit.

Diu quæstio inter Physiologos atque Obstetricios suos invenit & obtrectatores & defensores, an fetus, utero materno inclusus, itinere sanguinis continuo, continuatis
pla-

placentam inter & uterum vasis, circulatione haud interrupta, communi plane vita cum matre gaudeat? An per nutrimentum, ope vasculorum placentæ ex utero absorptum, vitam sibi propriam vivat?

Argumenta, quæ ex observatis, experimentis de industria captis, & ratiociniis inde derivandis, pro no alveo fluunt, præcipua sequenti ordine intueamur.

I^{mo}. Quæ *tempore partus* observari licet.

α. Omnes hodie, unanimi consensu, agnoscunt placentam sæpius uteri fundo, aut huic alterique parieti, nonnunquam vero cervici adhærere; ejusdemque nunc levem, nunc pertinacem, esse cohæsionem: ita ut placenta, aut sponte inscia sæpius matre, aut facili naturæ opera,

ra, de utero decidat, aut non nisi obstetricantis manu deglubi queat.

β. Ad motum vero sanguinis per umbilici & placentæ vasa, a vi arteriarum uteri aliquid accedere, defendi posse, nonnullis videtur (α). Sed, pulsus fetus nondum nati a matris pulsu toto cœlo differt, quemadmodum si manum alteram carpo matris, alteram umbilici funiculo admoveris, in partu experiri licet (b): et si placenta, utero adhærens, cum infante nato perpetua relinquitur, pulsum arteriarum umbilicalium oriri videmus a parte corporis infantis, non vero matris; eumque cessare prius in loco funis ab infante remotiore, dein & propiore;

(α) HALLER *Elem. Phys.* tom. VIII. p. 252.

(b) ROEDERER *Opusc. Med.* p. 110. & ST. VAN DER WIEL *Nutrit. fetus.* § 33.

piore; & si ligatura funem constringimus, statim omnis inter ligaturam & placentam pulsus in fune cessat (c).

γ. Ex non deligato fune, placenta relicta in utero, hæmorrhagiam lethalem sequi, nonnulli docuerunt (d). Sed, sanguis primum quidem aliquo cum impetu ex fune prorumpit, dein vero lentius, moxque guttatim stillat, & tandem omnis, constanti lege, etsi os uteri laxum & funis genitalium calore fatus fuerit, fluxus cessat: ita ut effusus sanguis vix duarum unciarum pondus, secundum observationes Cl. Virorum, ad summum adæquet (e).

C 3

San-

(c) ROEDERER *Icon. Uter. Hum.* p. 28.

(d) HALLER l. c. p. 249.

(e) ROEDERER *Icon. Uter. Hum.* p. 26. & *Opusc. med.* p. 446.

Sanguis autem ex utero, placenta pro parte soluta, secundum funem defluens, fluxum ex funis vasis mentiri potest (*f*).

Plurimi præcedentis seculi Obstetricatores dixerunt, multa exigua orificia, sanguinis capacia, in placentæ superficie, qua matrici jungitur, adparere (*g*); & semper sanguinem fluere ex avulsa placenta, ea,

(*f*) Vocatus ipse, a. d. 23 April. c1816, ut feminam a placenta, quæ ob validissimam adhæSIONem, jam per tres integros fere dies in utero erat relictæ, liberarem, deprehendi funem non ligatum (meo autem consilio ligaturam a parte matris hæc obstetrix nunquam instituebat) neque ullam hæmorrhagiam insecutam fuisse. Puerpera ceterum optime sese habebat; placenta, cujus nunc facilis erat solutio, nullo sanguine erat turgida; fluxus autem sanguinis solitus, remota placenta, prodibat ex utero.

(*g*) MAURICEAU *Traité des malad. des femm. gross.* Livr. II. Chap. IV.

ea, qua utero cohæsit, parte infinitis obfita vasculis disruptis (*b*). Sed, in superficie convexa placentæ, cum nato fetu cohærentis, extractæ, neque ullum vasis lumen adparuit (*i*); neque ulla sanguinis guttula, quacunque etiam ratione tentata, ex eadem effluxit: sive enim placenta fuerit compressa (*k*); sive aquæ calidæ, ad arcendas aëris ambientis injurias, & prohibendum sanguinis coagulum, una cum fetu & pulsante funiculo immerfa (*l*); sive denique placenta funis ope cum infante connexa, statim a morte, secto abdomine operatione cæsarea, ab

(*b*) VAN DEVENTER *Nieuw lig voor Vroedmeesters*. Hoofdst. XII. bl. 79.

(*i*) ROEDERER *Icon. Uter. Hum.* p. 27.

(*k*) HALLER l. c. p. 239.

(*l*) ROEDERER *Icon. Uter. Hum.* p. 27.

uteri superficie remota fuerit (m), sanguinem detegere nunquam licuit.

Sic nihil ex permagnis uteri sinubus, in capillaria placentæ vascula, anastomoseos comparet. Hinc placenta, ut pars fetus, utero contigua, habetur; quæ postea, & a fetu nato & ab utero separata, massa evadit inutilis.

§. XI. Intueamur i i^{do} ea, quæ casibus matris mortuæ, hæmorrhagia exhaustæ, funis pressi, vel fetus corde destituti, animadverti solent.

α. Si sanguis maternus in fetum & vice versa circularetur, vita fetus ab ea matris dependeret; sed, aliam esse circulationem fetus, aliam matris, cæsiones indicant: docemur namque, fetus, matribus aliquo tem-

(m) ROEDERER *Opusc. Med.* p. 108.

tempore emortuis, ex operatione cæsarea, sæpe superstites manere; quique fetus diutius in ipso cadavere materno fortè superviverent, nisi id defectus caloris, post matris obitum, impediret: secundinæ enim, diu, ante fetum nonnunquam prodierunt, absque ullo fetus detrimento (n); fetus octimestris, vivus, ex utero matris, quæ magnam uteri hæmorrhagiam per sex hebdomades passa erat, & cui placenta penitus soluta ori uteri adjacebat, extractus est (o); fetum, una cum adnexis secundinis, non deligato fune, natum, sibi que relictum, per tres integros dies vitam protraxis-

D

se,

(n) HALLER l. c. p. 247.

(o) DE WIND *Onderzoek op't niet afbinden der Navelstreng*, bl. 12, 13.

se, visum est (*p*); fetus exclusi cum integro ovo, non disruptis membranis, vixerunt aliquamdiu absque matris commercio (*q*); catellorum, qui ex utero canis mortuæ disiecti, membranis involuti, & aquæ tepidæ immissi erant, arteriarum pulsus post aliquot horas perduraverunt (*r*).

§. Per matris vulnera, aliqui adfirmant fetum exsanguem reddi, idque ex casu puerperæ comprobant, quæ ex lapsu exsanguis fuit, quo fetus pariter omnem amiserat sanguinem; & gravidæ feminæ, quæ

(*p*) BLONDEL *Verbandeling over het vermogen der inbeelding van zwangere vrouwen op derzelver vrugt*, bl. 71.

(*q*) TH. BARTHOLINUS *Hist. Anat. rar.* Cent. II. *Hist.* 8. Et VAN DER WIEL *Obs. rar.* Cent. post. part. pr. *Obs.* 32.

(*r*) VAN DER WIEL *Nutrit. fetus* §. 41.

quæ post hæmorrhagiam perierat, cui placenta exfanguis fuit (*s*). Sed, in fetu feminæ, quæ ex uteri hæmorrhagia, in partu ultra duodecim horas protracto, mortua est, non adparuit sanguinis copiam aliqua ratione diminutam esse (*t*). Excipiunt quidem, talia exempla facile posse interpretari, per debilitationem fetus, quæ non sufficeret, ad sanguinem per amplissima uteri vasa eo conatu inpellendum, qui eum ex matris mortuæ vulnere faceret effluere; ita ut sanguis fetus, ut in lacu, stagnaret (*u*): his vero respondemus, fetum vegetum & torosum, ex utero feminæ, per hæmorrhagiam uteri valde debilitatæ, extractum fuisse (*x*). In corde

D 2

qui-

(*s*) HALLER l. c. p. 249.

(*t*) ROEDERER *Icon. Uter. Hum.* p. 26, 27.

(*u*) HALLER l. c. p. 253.

(*x*) *Cel.* VAN DOEVEREN *Specim. observ. academ.* Cap. x.

quidem, & arteriis majoribus fetus, una cum secundinis, non deligato fune, nati, nullus sanguis repertus est, sed in eodem tamen fetu, vasa venosa, a sanguinis mole, enormiter erant distenta (y), quod vi vitali cordis arteriarumque, eam venarum superante, efficitur. Laniones vaccarum, & ovium, ex sanguine pullos sanguine turgidos inveniunt.

z. Si chorda umbilicalis in nodos contorqueatur, aut comprimatur, fetu nondum nato, circulationem sanguinis matrem inter & fetum intercipi, & fetum hac ratione mori, aliqui voluerunt (z). Commmercium quidem, matrem inter & fetum, ex nodo in fune firmi-

(y) DE WIND l. c. bl. 14.

(z) MAURICEAU l. c. Livr. II. Chap. IV.

miter constricto, aut fune valide pressio, intercipi, fetumque vel ideo mori posse fatemur, sed tales casus nequaquam concludendi ansam nobis suppeditant, commercium illud in communi circulatione matris & fetus consistere; cum ex defectu humoris alentis, a parte matris adferendi, lente demum fetus mori, necesse sit. Nodi autem nonnunquam innocui fuerunt (*a*); & fetus ex partu Agrippino, quando funes premi solent, post longas operationes sæpe superstites manserunt.

δ. Casus fetuum corde destitutorum reperiri, alii in medium proferunt; in quibus non posset alia, præter sanguinis per maternum uterum accedentis motum, vis mo-

D 3

trix

(*a*) HALLER l. c. p. 216.

trix fetus incrementum facere (b). Sed, potuit forte organum cordi analogum in tali fetu locum habuisse, quod vices cordis omnino suppleret: cordis autem actio consistit in eo, ut sanguinem per venas advectum recipiat, receptumque in arterias propellat; hujus igitur ope, vel & sine hoc, contractili arteriarum vi sanguine propulso, potuit forsitan fetus, simili ratione ac insecta, quorum ingens numerus corde destituitur, vitam vitæ vegetabilis ad instar quoque vixisse. Vasis autem sanguiferis in fetu irritabilitatem competere, nemo facile negaverit.

Hæcce ergo cum ita sint, fieri certe nequit, ut vera anastomosi, qua vas vasi respondet, & lumen
in

(b) HALLER l. c. p. 253.

in lumen producitur, uteri & placentæ vasa neſtantur.

§. XII. Contemplemur ^{iii^o} ea, quæ *Ruyschiana methodo*, pro inveſtiganda veritate, *inſtituta* ſunt, *experimenta*.

α. Si ex utero in placentam perpetui canales ſanguiferi producerentur, in convexa placentæ, ab utero ſolutæ, ſuperficie diſrupta eſſent detegenda vaſcula: ſed, per injeſtiones anatomicas illa viſui noſtro ſeſe, illæſa placenta, non obferunt. Aqua namque, per arteriam umbilicalem, ſiphonis ope, placentæ injeſta, non niſi rupta ex convexa placentæ ſuperficie effluxit; quæque potius, placenta manibus leniter preſſa, ſenſim per venam umbilicalem rediit (c). Inſuper autem,

(c) VAN DER WIEL *Nutrit. fetus.* §. 42.

tem, ne guttulam ceræ liquatæ, per arterias atque venam ad saturationem infusæ, effluxisse, visum est (*d*): materies vero, quæ sanguinem rubrum præ subtilitate sua superat, per arterias umbilicales ac venam injecta, halitus subtilis specie, ex dicta placentæ superficie, egredi solet (*e*).

β. Placenta relicta in utero, injectione a parte fetus instituta, aliqui dicunt, liquores tinctos, per arterias umbilicales infusos, in matris venas hypogastricas transiisse (*f*). Sed, alii experti sunt, si materies, sive per alteram arteriarum umbilicalium, sive per venam, propellatur, in utroque casu, illæsa placenta, omnes simul, una injectione & venas & arte-

(*d*) VAN DER WIEL *Nutrit. fetus.* §. 42.

(*e*) RUYSCH *Thesaur. Anatom.* v.

(*f*) HALLER l. c. p. 250.

arterias turgidas reddi, adeoque liquidum per alterutrum vas injectum, per reliqua redire, & vasa uterina eo neutiquam repleri (g). Nonnulli, injectione a parte matris instituta, hydrargyri, in arteriam carotidem dextram canis gravidæ & vivæ injecti, partem, æque in cavo alantoidis, ac quibusdam ramis venæ umbilicalis, invenerunt (h). Sed aliis idem illud experimentum nequaquam ita successisse, reperio (i): mercurium autem, in animali vivo, non in sola vasa sanguifera, sed minora etiam penetrare, mini-

E mo-

(g) BÖERHAVE *Præl. Acad.* tom. v. part. II. §. 679.

FR. HOFFMAN *Med. Rat. Syst.* Lib. I. Sect.

III. Cap. 13. ROEDERER *Opusc. Med.* p. 78.

(h) VIEUSSENS *Experiences & reflexions sur la structure & l'usage des viscères.*

(i) A. MONROO *Medical Essays.* tom. II. p. 130, et seq.

morumque recessuum obstacula superare, notum est. Fuerunt præterea, qui materiem coloratam, per ramum arteriæ iliacæ matrici inmissam, in vasa placentæ penetrasse, opinati sunt (*k*): alii e contrario, uterum oleo terebinthinaceo, vel alio humore penetrabili replerunt, & ne guttulam quidem materiæ injectæ, in placentæ vasa transmigrasse; ullo sensu observare potuerunt (*l*). Cum igitur nullus per uterum replevit vasa umbilicalia, certo certius replenda, si materies in vasa placentæ penetrasset, alii potius concludunt, materiem injectam ex utero in placentam non naturali vasorum itinere penetrasse, sed

(*k*) NOORTWYK *Uter. Hum. Grav. Anat. & Histor.* p. 11, 101.

(*l*) MONROO & ROEDERER l. c.

sed in cellulofam placentæ telam effufam eſſe.

Sic ne his quidem, ullum, venas placentæ inter atque arterias uteri, anafomofis veſtigium, in conſpectum prodiit.

§. XIII. Atque ita, ex dictis conſequitur, fetum ſanguine rubro minime nutriri, ea, qua diſſentientes volunt ratione, anafomofi: neque illud aliquid roboris acquirit argumentis ſequentibus.

α. Quod per longe minora, quam ea placentæ ſunt, vacula, ſanguis ruber liberrime quidem fluere poſſet (m).

β. Quod matrum morbi manifeſto ad fetus tranſeant, ut de variolis, morbillis, & ſimilibus aliis

E 2 con-

(m) NOORTWYK l. c. §. VIII. p. II.

constat, quod non nisi sanguinis eo infecti transitu fieret (n).

γ. Quod nonnunquam convenientia in facie, corpore, temperamento, aliisque fetus & matris reperiatur, quæ sanguinis materni, fetum nutrientis, qualitati tribuenda esset (o).

Prius vero quod adtinet, præterquam quod ex adductis §. x, xi, xii, nimis exilia adparuerunt vasculorum in placenta esse lumina, quam quæ transitum sanguini permittere possint; simul considerandum, transitum cruoris per exilia vascula adscribendum esse urgenti sanguinis propulsi adfluxui, per angustias illas viam sibi paranti, cui, sublata anastomosi, nullus locus est.

Quoad

(n) SCHURIGII *Embryolog.* Sect. III. Cap. I.

(o) BLONDEL. l. c.

Quoad secundum, illi morbi nobis contagiosi nuncupantur, quibus sæpe omnes matris humores inficiuntur; & minutissimæ contagiosorum illorum morborum particulæ exhalantes, per vascula absorbentia, in placenta & summo fetus corpore pervia, inbibiti, cum humoribus fetus commisceri, eosque corrumpere, & labe sua detestabili induere, possunt.

Ad tertium respondemus, sæpius paternam in fetibus observari imaginem; prolis igitur cum parentibus similitudo, vel ipsi conceptioni, exemplo, educationi, & simili vivendi rationi adscribi debet.

Sufficiant igitur hæc, in medium allata, ad continuum sanguinis materni ad fetum iter negandum.

§. XIV. Nutrimentum igitur a

matre suggerendum, ope vasculorum placentæ absorberi, eoque fetum, dum ovo suo inclusus utero gestatur, stirpis vegetabilis ad instar, nutriri, ipsa rerum natura satis indicat.

Ovuli saltem humani, in uterum delati, placenta in primordio nulla est, sed idem illud ovum, hactenus glabrum, liberumque in utero fluctuans, paucis elapsis diebus, antequam fetus artuum formam adeptus est, ex superficie chorii innumera, flocculorum specie, capillaria emittit vascula, quæ, innumeris ramificationibus, factisque anastomosis, ope telæ cellulosæ conjuncta, uteri fundo, huic alterive parieti, quin & cervici, adhærescunt.

Quid igitur obstat, ne statuere-
mus,

mus, tenerrima illa placentæ vascula venosa, modo, quo chylum in intestinis confectum vasa lactea sugunt; aut more radicularum stirpium, ex seminibus plantarum, terræ tamquam utero suo demandatis, emissarum, quæ terræ gremio sese insinuant, nutritivos succos hauriunt, novamque plantulam, absque matris auxilio crescentem, producunt; ex utero materno humorem alentem absorbere?

Hinc fetus, ut avium pulli in ovis suis, propriis sibi que insitis viribus, sanguinem suum, sine materno adminiculo, per orbitam movet, vitamque sibi propriam vivit.

§. XV. Sed, quinam est humor ille alens, per vascula placentæ absorbendus?

Sanguinem esse non videtur, neque

que *serosum sanguinis laticem*. Experimur namque, in quacunque femina individua, cuique proprium, & ab aliis differentem, esse sanguinem & serum, omnibus qualitatibus proportionatum ad solida ejusdem subjecti, circuli & caloris excessum vel defectum, aliaque; atque ideo aut sanguinem aut serum, sua indole, ad alendum fetum, ratione informis teneræque ipsius structuræ, vix destinatum, neque idoneum, adparere: præsertim autem, cum uterque horum, matre chronico aliove morbo laborante, seminum morbosum sæpe secum gerit; dum tamen praxis clinica docet, feminas, hæctica febre, phthisi, aliisve diuturnioribus acutisve morbis laborantes, bene nutritos, atque illis immunes incommodis, quibus

bus ipforum matres erant affectæ, quin & sanissimos, in lucem edidisse infantes.

§. XVI. *Lacte* igitur fetum nutrirî, probabilius est.

Natura enim, in homine, æque in viro atque in femina, nunquam, nisi ex lacte, sanguinem parat: ex lacte, omnes in corpore humores secernuntur; omnes partes solidæ jacturam passæ reparantur; & omnes succi, ad corruptionem spontaneam inclinantes, summa acrimonia subito corripiendi, in tuto collocantur. Hæmatopoiesin igitur in fetu, dum utero gestatur, simili ratione ac in infante nato, omnibusque adultis, perfici, credibile est. Natura saltem, in formando fetu, statim, in mechanismo partium huic operi inservientium con-

F

stru-

struendo, ceteris majorem curam impendit; & punctum in ovo incubato faliens, illas partes vi vitali præditas esse, docet. Naturam autem, in fetu, lacte uti, quo omnes humorum species, & omnes partes solidæ, serum, sanguis, lymphæ, membrana, cartilago, os, &c. elaborentur & nutriantur; quæque putrescibilis humorum natura contemperetur; dubitari minime licet, cum, ipso gestationis tempore, lac in utero præsto sit. Etenim,

I^{mo}. „ In utero, in statu procedentis graviditatis, ductus lactei „ detecti sunt (p); & numerosissima „ vascula vermicularia, liquore lacteo plena (q). ”

Vasis videlicet uteri dilatabilis com-

(p) WINSLOW *Expos. Anat.* tom. IV. p. 177.

(q) ASTRUC *Traité des malad. des femm.* tom. I. p. 12.

competit natura, mammarum vasis propria: lac autem chylo, ex ingestis in intestinis confecto, suam debet originem; sanguini aliquot a partu horis innatat (*r*); per vasa sanguinea oberrat (*s*); & idem cum eo est, quo ubera scatent (*t*): tempore vero graviditatis, ovulo utero adhærente, uterus irritatur, hinc major sanguinis & innatantis lactis ad uterum fit determinatio, quæ impedito humorum ex utero effluxu augetur, dum simul & vasa uteri hac de causa sensim sensimque di-

F 2

la-

(*r*) SCHWENKE *Hæmatolog.* p. 178, 179. BIKKER *Verbandeling van het zog der vrouwen* p. 40-48. VAN SWIETEN *Comment.* tom. iv. p. 609.

(*s*) HALLER *Elem. Phys.* tom. ii. p. 14-16.

(*t*) LOWER *De corde* p. 237, 239. R. DE GRAAF *Oper. Omn.* p. 46. TULPIUS *Obs. Med. Libr. i.* Obs. 58.

latantur : lac demum cum sanguine huc continuo adfluens , tarde admodum movetur ; a sanguine , quo levius magisque fluidum est , secedit ; atque ad vasorum parietes ipsamque placentam , ubi & minora uteri vascula ingredi potest , adducitur.

I I^{do} „ Coagulatum lac , caseosam „ indolem monstrans , manipulorum „ etiam duorum quantitatem adæquans , una cum secundinis , ex utero emissum esse ” nonnulli adferunt (u).

Cum lac humanum ex libris duabus det cremoris sesquiunciam , butyri tenuioris drachmas sex , casei tenerrimi semiunciam , feri spissati drachmas decem , nil nisi aqua remanente (x) , evidens est , duobus

(u) DE WIND l. c. bl. 16, 17.

(x) HALLER *Elem. Phys.* tom. VII. p. 33.

bus istis manipulis quadantenus ad calculum reductis, lac magna copia secerni in utero.

III^{io}., Calculus, calcaria, atque „fabulosa sedimenta, in convexa placenta^e superficie, reperta sunt (y).”

Aliquando etiam, non nisi tractu temporis, lac lapideam duritiem nanciscitur; sic in mammis calculus, curvus, ductus lactiferi figuram exprimens, visus est (z); vasis lacteis ex ligno confectis, Belgis *melkmouden* aut *molden* dictis, post usum diuturniorem, partes lactei coloris terreæ, insipidæ, in tartari duritiem concretæ, & firmissime ligno adfixæ, adhæserunt (a); atque per alvum infantis, lacte materno & vaccino

F 3 nu-

(y) HALLER *Elem. Phys.* tom. VIII. p. 241, 253.

(z) HALLER *Elem. Phys.* tom. VII. p. 43.

(a) SCHEUCHZERI *Itiner. Alpin.* tom. I. p. 59.


nutriti, tophacea frustula, ad magnitudinem pisorum ejecta sunt (b). Lac igitur, in utero, durante gestationis tempore, fecerni videtur.

Hinc eadem in utero, tempore graviditatis, lactis obtinet secretio, quæ fit in mammis post partum: in utero quoque venæ placentæ, infantis ubera ducentis, vicem supplent.

§. XVII. Gravissimis igitur rationum momentis ductus, jure meritoque, concludo coagulatum lac, nostra in placenta repertum (§. II-VIII.) in utero secretum, per vascula placentæ absorptum, atque ad alendum fetum destinatum fuisse. Illud enim ibidem, quam facillime, in loco tam calido stagnando coagulari potuit: num vero lactis ipsius
len-

(b) BENNET *Theatr. Tabid.* p. 76, 77.

lensor , placentæ situs , aut funis pressio , liberum humoris iter inpediverit , nescio ; nata autem in vase obstructio ejus congestionem suam symbolam conferre potuit , qua vasorum prius repletio , & demum ruptura , orta fuerit. Sufficiens interim per minorem placentæ portionem ad fetum advecta est lactis quantitas : ponderosiores vero fetus gaudent sæpe placentis minoribus , & fetus minores illis longe majoribus placentis.



C O N T E N T A.

- Singularis placentæ crassities & durities. §. I.
- Superficies concava. II.
- Convexa superficies, & habitus placentæ internus. III-VI.
- Lactea contenti humoris indoles. VII.
- ulterius indagata. VIII.
- Reliqua secundinæ, & fetus, & mater bene sese habebant. IX.
- Disquiritur, num fetus, vitam, cum matre communem, num sibi propriam, vivat; primum negatur, ex iis, quæ tempore partus observari possunt. X.
- ex casibus matris mortuæ, hæmorrhagia exhaustæ, funis pressi, & fetus corde destituti. XI.
- ex injectionibus anatomicis. XII.
- Objectiones nonnullæ refutantur. XIII.
- Vascula placentæ, radicularum stirpium more, humorem alentem, ex utero, absorbent. XIV.
- Humor absorbendus, neque sanguis, neque serum esse, videtur. XV.
- Lac vero fetum alere, probabile redditur, ex rationibus physicis, & observatis. XVI.
- Ratio, undenam lac coagulatum, nostra in placenta, locum habuerit. XVII.



